

NA ILIILI HANAU O KOLOA.

He nui ke kaulana o na iliili o Koloa, Kau, no ka hanau. a ua hooiaioia hoi ka pololei o ka hanau o ka iliili e kekahi heluna nui o na kanaka Hawaii, aka he hana pohihihi a paakiki loa nae na na haole ka manaio ana i ka pololei o ia mea aia no a ike maka e like me Toma.

Iloko iho nei nae o keia mau la, ua hoea mai la o Paulo Ke-a no keia keena me ua mau iliili hanau la o Koloa. aole paha o na iliili i kaulana i ke kupaianaha, aka o ka lakou mau mamoo aku, e kapaia ai o Ke kualima a kuaono paha, a i ole he mau hanauna lehulehu paha mai na kumu mai o ka laha ana o ka iliili.

Wahi ana mai kahi mai o ke Keiki-alii Kalaniana'ole ma Waikiki ae nei i loa a mai ai kana mau iliili. he iliili hoi

i hoolahaia mai kela mau iliili kaulana mai o Koloa ma Kau, Hawaii, a mahope o kona waiho malie ana Hoko o ka pahu me ke ona no kekahi mau makahiki elua, ua hu mai la ka iliili mai ka pahu mai, a i kona kii ana aku, aole i kana mai ka nui o na iliili maloko mai ke nui a ka liilii koku huna one.

O kekahi no hoi o na mea, kupaianaha, o ia no ka pii mau ana o ka mahua o ka nui o ke kino o na iliili mai kela ano mai ana o ka hoo-komo ana maloko o ka pahu.

Eia ua mau iliili hanau la o Koloa, ke hoikeikeia nei ma ka puka aniani o ke keena o ka hui pa'i nupepa Hawaiian Gazette, a ua lilo i mea hoo-kahaha aku i ka manao o na haole, i ko lakou wa i ike ai, a i helubelu ai i ka moolelo o ua mau iliili kupaianaha la.

He eono mahina ae nei i hala, ua lawe aku la kekahi o na kaikamabine a Paulo Ke-a, oia o Mrs. Tom Price he ekolu ana mau iliili liilii me ka hoo-

Komo ana ioko o ka puhi, a ma kela mau la koke aku nei no, i kona nana ana aku, e waiho mai ana he umi-ku-mamakolu mau iliili liili mawaho ae o kela mau iliili mua.

He nui a lehulehu wale ka poe i hele mai i keia keena a hooia mai i ko lakou ike maka ana i ka hanau o ka iliili e like ae la me ia a Ke-a o ka hoike ana mai, a ke lilo nei ua mau iliili la i mea makaikai nuiia e na haole.

Ma ke ano o kela mau iliili, e ikeia ana he pakika pu wale no kekahi, a he nui hoi na pukapuka o kekahi, a mai na iliili pukapuka mai e oili mai ai na iliili liili, i manaioia, o na iliili wahine paha ia, a o na iliili nemonemo a pakika pu, o lakou na iliili kane.

He mea kupaihana no keia ke nana aku, aka nae ma ia mau mea e ikeia ai ko ke Akua kupaihana ma na mea ana i hana mai ai.

Ua kaulana ke one o nohili i ke kani, a ua pau ka hoomaloka o ka poe apau i hele e ike maka maoli i kela one, a pela no hoi me ka pahapaha o

l'oupaie, ahe na mea kupaihana e ae i ikeia ma kela ame keia wahi ma Hawaii nei.

He hookahi wahi iliili uuku i ikeia aku ke kokoke loa ana mai e hemo kana keiki, a ke nana mauia nei iloko o keia mau la. i kona manawa e hanau mai ai, a malia o lilo ia i mea e hoopauia ae ai ke kuhihewa ame ka paakiki o kekahi poe e olelo nei, aole he hanau o ka iliili.

Ua hele mua ae o Paulo Ke-a e ikeia ia Meia Fern me kana mau iliili, a ua hooia mai ka Meia iaia, he mau iliili no kana e waiho la i kaubale, a ua ike oia i ka hanau ana o ua mau iliili la, a mamuli o ka hookikina a kekahi poe iaia, i hoes okoa mai ai oia no ke keena nei o ke Kuokoa, no ka hoikeike ana aku imua o ka lehulehu aole wale maloko o na nupepa, aka ma ka waiho ana aku i na iliili imua o ke akea, no ko ka lehulehu hele ana mai e nana no lakou iho.

This article has been automatically clipped from the Ka Nupepa Kuokoa 10 February 1911, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).

